

M323: Oberaltaicher Evangelistar

23a,1 sprach "bin ich ez meister ." er antwurte im und sprach "dû
 23a,2 hâst ez gesprochen ." dô si dô âzen . dô nam Jêsus daz brôt .
 23a,3 und segenete ez und brach ez und gap ez sînen jungern und
 23a,4 sprach "nemet und ezzet daz ist mîn lîchnam ." und nam den
 23a,5 kelch und segenete den wîn . und gap in ze trinkenne und sprach
 23a,6 "trinket dâr ûz daz ist mîn bluot der niuwen . ê . daz umbe iuch und
 23a,7 umbe manic sîntær wirdet vergozzen . ze einem antlâze . ich en
 23a,8 trinke niht mêr des wînes wan in mînes vateres rîche ." und dô
 23a,9 er den segen geschprach dô giengen si ûf den berc Oliueti .
 23a,10 dô sprach Jêsus zuo in . "ir werdet alle hînaht in dirr naht an mir
 23a,11 geschendet . ez ist geschriben . ich slahe den hirten . und di herte
 23a,12 der schâfe di wirdet zerstrôuwet . dâr nâch sô ich erstên sol . sô var ich
 23a,13 vore iu in Galileam ." dô antwurte im Petrus und sprach zuo im . "und
 23a,14 werdent si alle geschant an dir daz werde ich niemer . alsô" dô .
 23a,15 sprach zuo im Jêsus . "wærlîche sage ich dir . daz dû an dirre naht
 23a,16 . êr . der hane singe verlougenest mîn drîe stunte ." dô sprach dô
 23a,17 Petrus "und muoz ich sterben mit dir ich verlougenen dîn niht ."
 23a,18 alsô sprâchen di andern alle . dô kom Jêsus mit in in daz dorf .
 23a,19 daz hiez Gethsemane und sprach zuo sînen jungern . "sitzet hier
 23a,20 ich wile dâ hin gên ." und nam mit im Petrum . und zwêne sîner .
 23a,21 Zebedeî und begunde trûren . und unvrô sîn . dô sprach er zuo
 23a,22 in . "mîn sêl ist trûric unz in den tôt . enthabet iuch hier . und wachet mit
 mir" unde gie ein wênic vûrebaz . unde –
 23a,23 viel nider ûf sîn antlûtze und betete und sprach "vater ob ez
 23a,24 mûglich sî sô nim dise marter von mir niht . als ich welle .
 23a,25 sunder als dû wilt" und kom zuo sînen jungern und vant si slâfente
 23a,26 und sprach zuo Petrô . "mohtet ir niht ein wîl mit mir wachen . wachet
 23a,27 und betet daz ir iht komet in di . bekorunge . der geist ist bereit .
 23a,28 daz vleisch ist aber siech ." dô gie er aber hin . und betete und sprach
 23a,29 "vater mîn . mûge di marter niht hin komen . ich mûeze si leiden .
 23a,30 sô ergê dîn wille" und kom aber und vant si slâfente .
 23a,31 ire ougen wâren besweret und liez si und gie aber unde betete .
 23a,32 ze dem drittem mâl diu selben wort . dô kom er zuo sînen
 23a,33 jungern und sprach zuo in . "nû slâfet und ruowet . ez nâhent diu
 23a,34 wîl . daz des mennischen sun wirdet gegeben in di hende der
 23a,35 sîntær . nû stêt ûf und gên wir ez nâhet der der mich .
 23a,36 dâ verrâtet ." dô er dannoch redete dô kom Judas der zweliver
 23a,37 einer und mit im ein grôz schar mit swerten und mit .

- 23a,38 stecken von den vürsten dar gesant und von den alten liuten
 23a,39 der aber der in verkoufete der gap in daz zeichen . und
 23a,40 sprach “swen ich dâ küsse der ist ez den vâhet” und sâr zehant
 23a,41 gie er zuo Jêsu . und sprach “willekomen meister .” und .
 23a,42 kuste in . dô sprach zuo im Jêsus . “vriunt wie bist dû komen .”
 23a,43 dô giengen si zuo und viengen und habeten in . und der einer der
- 23b,1 dar komen was mit Jêsu . der bôt ûf zehant und zuhte swert .
 23b,2 und sluoc des vürsten knehte daz zesem ôr ab . dô sprach zuo im Jêsus .
 “stôz
 23b,3 dîn swert wider in sîn stat . alle di mit swerten vehtent di verderbent
 23b,4 ouch mit dem swerte . oder wænest dû daz ich niht erbiten möhte mînen
 23b,5 vater daz er mir nû sande mêr danne zwelif schar der engel . wie möhte
 23b,6 diu schrift ervüllet werden . wan ez allez muoz geschehen .” an der selben
 23b,7 wîl sprach Jêsus zuo den scharen . “ir sît ûz gegangen mit swerten unde
 23b,8 mit stangen . als ze einem roubær mich ze vâhenne . allen den tac saz ich
 23b,9 bî iu in dem tÊmpel . und lêrte iuch und vienget mîn niht . daz wart .
 23b,10 allez getân . daz di schrift des wîssagen würde ervüllet .” dô liefen hin .
 23b,11 di junger und vluhen von im . di dienær habeten dô Jêsum . und vuorten
 in .
 23b,12 zuo Kaipham . dâ di schribær und di alten wâren zesamene komen .
 23b,13 sancte Pêter volgete verre nâch unz in des vürsten hov . und gie dô .
 23b,14 innerhalb und saz dô mit den dienærn . daz er gesæhe wie ez ergienc .
 23b,15 di vürsten und alle di menige suochten dô lügenlîchez urkunde wider
 23b,16 Jêsum . daz si im gæben den tût und vunten niht an im . dô . vile valscher
 23b,17 ziuge zuo gegangen wâren ze allerjungeste kômen zwêne valsch geziuge .
 23b,18 und sprâchen “dirr sprach ich mac den tÊmpel zerstoeren . und
 23b,19 in drîn tagen wider machen” und der vürste stuont ûf und sprach .
 23b,20 “antwurtest dû niht ze disen . di alsus urkündent wider dich .” Jêsus der
 23b,21 sweic und der vürste sprach aber zuo im . “ich beswere dich bî dem
 lebentigem
 23b,22 gote daz dû mir sagest ob dû sîst Krist der gotes sun .” dô sprach zuo .
 23b,23 im Jêsus “dû hâst ez gesprochen . ich sage iu ir sehet vürebaz sitzen den
 gotes
 23b,24 sun ze der zesem der tugent und komen in di wolken des himels .” dô zarte
 23b,25 der vürste sîn gewant . und sprach “er hât gescholten . waz bedürfen wir .
 23b,26 mêr geziugen . ir habet selber wole gehôrt diu scheltwort waz dunket .
 23b,27 iuch guot .” des antwurten si und sprâchen . “er ist wirdic des tôdes .” dô
 23b,28 spîweten si an sîn antlütze . und di andern halsslageten in an daz ôr . und
 23b,29 sprâchen “wîssage uns Krist wer hât dich geslagen .” sanct Pêter saz dô
 23b,30 vore in dem hove . und gie zuo im ein maget und sprach . “dû wære ouch
 mit
 23b,31 Jêsu der dô ist Galilea .” des lougenete er vore in allen und sprach . “ich en
 23b,32 weiz niht waz dû meinest .” dô er dô gie vüre di türe . dô sach in ein ander
 23b,33 dierne . und diu sprach zuo den di dâ wâren . “dirr was ouch mit Jêsu von
 23b,34 Nazarêt .” und er lougenete aber mit eiden daz er in iht erkante und
 23b,35 über ein wênic wîl sprâchen di dâ stuonten ze Petrô . “wærlîche dû bist .

- 23b,36 ir ouch einer dich hât dîn rede geoffenet .” dô begunde er sweren
ungezogene .
- 23b,37 daz er in niht erkante und über ein wênic wîl sanc der
- 23b,38 hane . dô gedâhte Petrus an diu wort diu Jêsus gesprochen hête . “êr . der
hane
- 23b,39 singe dû verlougenest mîn drîe stunte .” und gie her ûz und weinte dô .
- 23b,40 bitterlîche . des morgenes giengen si ze râte di vürsten und daz liut wider
- 23b,41 Jêsum daz si in bræhten ze dem tôte . dô Judas sach der in dâ verrâten
- 23b,42 hête . daz er verdamnet was dô rou ez in . und brâhte di drîzic
- 23b,43 pfenninge den vürsten und den alten und sprach “ich hân gesündet .
- 24a,1 daz ich verkoufet hân ein heiligen man .” des antwurten .
- 24a,2 si und sprâchen . “waz en ruochen wir daz sî mit dir” und warf di
- 24a,3 pfenninge in den tēmpel und gie hin und erhankte sich an einem
- 24a,4 stricke . di vürsten nâmen di pfenninge “man sol si niht geben in –
- 24a,5 wan ez ist ein lôn des bluotes .” und berieten sich des . und koufeten
- 24a,6 eines havenæres acker ze einer bivelde der pilgerîme der ouch .
- 24a,7 wart geheizen der acker Ackemac daz ist ein acker des bluotes
- 24a,8 unz an disen hiutigen tac . sô wirdet ervüllet daz geschriben .
- 24a,9 was von dem wîssagen Jeremiam . “und nâmen drîzic pfenninge
- 24a,10 ein lôn ze miete . den si koufeten von den . und gâben si umbe
- 24a,11 einen acker eines havenæres als ez mir gebôt mîn hêrre” Jêsus
- 24a,12 der stuont vore dem gerihte und vrâgete in der rihtær und sprach
- 24a,13 “dû bist der küninc der juden .” dô sprach Jêsus “dû hâst ez gesprochen”
- 24a,14 und dô er geruogt wart von den vürsten und von den alten . dô
- 24a,15 antwurte er niht . dô sprach zuo im Pilatus “hoerest dû niht . wie
- 24a,16 manic urkünde si sprechent wider dich” und er antwortete
- 24a,17 niht Pilatô . alsô daz ez den rihtær grôz wunder nam . der
- 24a,18 rihtær hête ouch gewoneheit von dem heiligen tage den liuten ze
- 24a,19 lâzenne ein gefangen swelichen si wolten er hête einen schuldigen .
- 24a,20 gefangen . der hiez Barrabas dô si sich gesameneten dô sprach zuo
- 24a,21 in Pilatus . “wen wellt ir den ich iu lâze Barrabam oder Jêsum .
- 24a,22 der dâ heizet Christus .” er weste wole daz si in hêten durch nît gefangen .
- 24a,23 dô saz er ze gerihte dô sande zuo im sîn wîp . und sprach
- 24a,24 “niht dir und niht mir ich hân hînaht . von im in dem slâfe .
- 24a,25 vile erliten .” di vürsten und di altern . hiezen daz liut daz si
- 24a,26 vorderten Barrabam und Jêsum verteilten . des antwortete der rihtær
- 24a,27 und sprach zuo in . “wen wellt ir den man iu lâze der zweier einen”
- 24a,28 dô sprâchen . si “Barrabam .” dô sprach zuo in Pilatus . “waz wellt ir daz
- 24a,29 ich tuo mit Jêsu . der dâ heizet Christus .” dô sprâchen si alle . “kriuzige
in .”
- 24a,30 dô Pilatus sach daz er niht schuof . sunder daz der ludem ie groezer
- 24a,31 wart von den liuten . dô nam er ein wazzer und dwuoc sîn hende .
- 24a,32 und sprach . “ich bin unschuldic an dem bluote des rechten mennischen .
- 24a,33 daz sî mit iu .” dô antwurte daz liut gemeinlîche und sprâchen . “sîn
- 24a,34 bluot kome ûf uns und ûf unseriu kint .” dô liez er in Barrabam
- 24a,35 und gap in Jêsum ze slahenne mit geiseln . und daz si in kriuzten
- 24a,36 dô nâmen des rihtærs ritter . Jêsum in di pfalenze . und .

24a,37 sameneten di menige alle zuo in und zugen im ab sîn gewant .
 24a,38 und leiten im an wîzen pfelle . und macheten ein krône
 24a,39 von dornen . und satzten im di ûf sîn houbet . und einen stap .
 24a,40 gâben si im in sîn zesem hant . und knieweten vûre in unde sprâchen .
 24a,41 “wis gegrûezet der juden küninc” und spîweten in an und nâmen
 24a,42 den stap und sluogen im sîn houbet . dô si sîn gespotteten .
 24a,43 dô zugen si im ab den pfelle und legeten im an sîn gewant . und

24b,1 vuorten in ze kriuzenne . dô si ûz giengen . dô vunten si ein
 24b,2 mennischen der hiez Simon . den betwungen si . daz er Jêsu
 24b,3 muoste tragen daz kriuze . und kômen . an di stat di
 24b,4 hiez Golgatha . daz ist Kalvariê und gâben im ze trinkenne
 24b,5 wîn mit gallen gemischt . dô er ez versuochte . dô wolte .
 24b,6 er niht trinken . dô si in gekriuzeten dô teilten si
 24b,7 sîn gewant und wurfen daz lôz dâr umbe wes ez wære .
 24b,8 und sâzen ouch und huotten sîn . und satzten ûf sîn houbet
 24b,9 sîn schulde geschriben . “dirr ist der juden küninc .” dô
 24b,10 kriuzten si mit im zwêne schâchær einen ze der zesem
 24b,11 hant . einen ze der linken hant di dâ vûre giengen . di
 24b,12 schulten in . und wegeten ire houbet und sprâchen “mac .
 24b,13 der den tĒmpel zerstoeren . und in drîn tagen wider machen
 24b,14 behalte dich selben ob dû sîst der gotes sun . und ganc
 24b,15 her ab dem kriuze .” alsô spotteten sîn ouch di vûrsten .
 24b,16 und die schribær und di alten und sprâchen . “di andern
 24b,17 machet er gesunt . sich selben mac er niht machen gesunt .
 24b,18 wache ob dû sîst der juden küninc . sô ginc her ab dem
 24b,19 kriuze sô gelouben wir an dich . er getrûwete an got der
 24b,20 loese in ob er welle . er sprach ich bin der gotes sun .”
 24b,21 daz selbe wort itewîzete im der schâchær . der dô mit im
 24b,22 wart gekriuzt . von mittem tage wart vinster ûf diu
 24b,23 erde unz ze nône . und umbe nônezît rief Jêsus mit lûter
 24b,24 stimme . “- . - . -” daz sprichet in diutisch
 24b,25 “mîn got mîn got wie hâst dû mich verlâzen .” und sümelîch
 24b,26 di dâr umbe stuonten und ez hórten . di sprâchen “er rüefet an
 24b,27 Heliam” dô lief einer und vulte einen badeswamb mit ezziche
 24b,28 und legete dâr in ein roeren und gap im ze trinkenne . und
 24b,29 sprâchen . “beitet er ob Helias nû kome und in loese .” Jêsus liez ein
 24b,30 stimme und der umbehanc des tĒmpels der spielt sich enzweie
 24b,31 von oben unz ze niderst . daz sach ze centurio der
 24b,32 grâve der stuont gegen im daz er alsô ruofente was .
 24b,33 verscheiden . dô sprach er “wærlîche dirr mennische was gotes
 24b,34 sun .” dô wâren ouch wîp di verre dar wâren komen .
 24b,35 ûnder den was Maria Magdalena . und Maria Jakobi des minnern /
 24b,36 und Josephes muoter . und Salomê und dô Jêsus kom in Galileam
 24b,37 dô volgeten si im nâch dienten im . und ander .
 24b,38 vile di mit im wâren gegangen ze Jerusâlêm . und was
 24b,39 dô spâte wâren . wan ez was der karvrîtac der dô ist .
 24b,40 vore dem sameztage dô kom Josepch von Arimathia . und

- 24b,41 beit ouch daz gotesrîche und kom ze Pilatô und bat
 24b,42 im ze gebenne Jêsus lîchnam . Pilatum wunderte ob er noch
 24b,43 tôt . wære . und hiez ez besehen . dô hôte er daz er tôt .
- 25a,1 was und gap den lîchnamen Josepch . Josepch der verkoufete
 25a,2 ein pfelle und nam in ab und want in dar inne .
 25a,3 und legete in in daz grap daz dô gehouwen was in
 25a,4 einen stein . und legete einen stein dâr über
 25a,5 daz evangelium nâch dem passiône . sancte . Matheus
 25a,6 an dem andern tage der dô ist nâch dem vrîtage .
 25a,7 dô kômen zesamene di vürsten und di alten
 25a,8 ze Pilatô . und sprâchen “hêrre wir haben gedâht
 25a,9 daz der trûgenær sprach dannoch dô er lebete daz .
 25a,10 er in drîn tagen erstüente . heize des grabes hüeten
 25a,11 unz an den dritten tac . daz sîn junger iht komen
 25a,12 und in verstelen . und sagen dem liute daz
 25a,13 er erstanten sî von dem tôde . und wirdet danne der
 25a,14 jungest irresal wirser danne der êrst .” dô sprach
 25a,15 zuo in Pilatus . “ir habet di huote gêt und hüetet .
 25a,16 sîn als ir wole wizzet .” si giengen hin und vesteneten
 25a,17 daz grap und zeicheneten den stein mit den huotærn .
 25a,18 daz evangelium des mântages . sancte . Johannes . schrîbet
 25a,19 – – – . – – Bethaniam .
 25a,20 – – . vore sehs tagen der ôstern . kom Jêsus ze .
 25a,21 Bethaniae . dô Lazarus tôt was den er dâ lebentic
 25a,22 machete . dô machete im Martha ze ezzenne . und diente
 25a,23 im . Lazarus was der einer di dâ sâzen mit Jêsu
 25a,24 Maria nam ein wac edeler salben . – – .
 25a,25 und salbete Jêsu sîn houbet und twuoc im sîn vüeze
 25a,26 und truckenete si mit hâr und wart daz hûs vol
 25a,27 von dem smacke der salben . dô sprach Judas Ischariot
 25a,28 der in dâ wolte verkoufen . “wâr umbe verkoufete
 25a,29 si di salben niht umbe driu hundert pfenninge und hîete
 25a,30 si geben den armen .” dô sprach er niht daz er di armen
 25a,31 solte besorgen sunder daz er was ein diep und hête biutelîn
 25a,32 und daz man im gap daz truoc er . dô sprach Jêsus “verhenge
 25a,33 ir des daz si ez behalte an den tac mîner bivelde .
 25a,34 ir habet si ze allen zîten bî iuch . ir habet mîn aber
 25a,35 ze allen zîten niht .” grôz menige der juden erkanten daz er
 25a,36 dâ was und kômen niht alein daz si Jêsum gesæhen . sunder
 25a,37 Lazarum den er erquicket hête von dem tôde . dô gedâhten di
 25a,38 vürsten daz si Lazarum ouch erslüegen . wan vile juden geloubeten
 25a,39 durch in an Jêsum . dô des andern tages di grôz
 25a,40 menige vernam . di dâ komen was ze Jerusalem ze der hôchzît .
 25a,41 daz Jêsus kome dô nâmen si di palmeste unde giengen ûz
 25a,42 gegen im und ruofen “osanna der küninc von Israhel sî
- 25b,1 gesegenet der dâ kumet in gotes namen” und Jêsus vant einen esel und

- 25b,2 saz ûf in als geschriben ist . “tochter von Sion vürhte dir niht . dîn küninc
 25b,3 kumet dir sitzente ûf einer eselinne kinde .” des verstuonten sîn junger niht
 .
 25b,4 des êrsten . dô er dô geêret wart dô gedâhten si daz von im geschriben
 25b,5 was . daz si dâ tâten di schar di mit im dô was . diu urkündete daz daz
 25b,6 er Lazarô ûz dem grabe ruofte . und in erquickete von dem tôde . dâr umbe
 25b,7 kom ouch di menige gegen im wan si hieten vernomen daz zeichen . daz
 25b,8 er dô begienc . der juden bischolve sprâchen zuo in selben . “sehet ir daz
 wir niht
 25b,9 vâhen in . diu werlt geloubet alliu an in .” ez wâren süntelich heidene komen
 25b,10 ze Jerusaleûm . daz si dô beteten an dem heiligem tage . di giengen zuo
 Philippô .
 25b,11 der dô was von Bethsaida . Galileae . und bâten in und sprâchen . “hêrre
 wir wolten
 25b,12 Jêsum gesehen .” dô kom Philippus und sagete ez Andreas . Andreas und
 Philippus
 25b,13 sageten ez Jêsu . Jêsus antwurte in und sprach “diu zît ist komen . daz des
 25b,14 mennischen sun sol geêret werden . ich sage iu wêrlîchen ez en valle daz .
 25b,15 korn des sâmen in di erden und ersterbe . ez belîbet anders eine . erstirbet
 25b,16 ez aber sô bringet ez vile wuochers . der sîn sêl minne der verliese si .
 25b,17 und der sîn sêl hazzet in der werlt . der behalte . si in daz êwic leben . swer
 25b,18 mir dienet der volget mir nâch . und dâ ich bin dâ sol ouch mîn dienær
 25b,19 sîn . swer mir dienet den êret mîn vater der ze himel ist . nû ist mîn sêle
 25b,20 trûric und waz spriche ich vater heilige mich an dirr wîl .” dô kom ein
 25b,21 stimme von himel “ich hân dich geêret und wile dich aber êren .” die menige
 25b,22 di dâ stuont und ez hôrte . diu sprach daz ez wære ein doner . di ander
 25b,23 sprâchen “der engel hât in geêret . und wile in aber êren .” Jêsus antwurte
 in
 25b,24 und sprach . “di stimme ist niht komen durch mich sunder durch iuch .
 nû ist
 25b,25 daz geriht der werlt wan der vürste der werlt ûz geworfen . unde sô
 25b,26 ich werde gehoeht von der erde . sô ziuhe ich ez her allez zuo mir .” daz
 sprach
 25b,27 er daz bezeichnenete mit welichem tôde er solte sterben . des antwurte im
 di
 25b,28 menige “wir haben gehoeret von der . ê . daz Krist êwîclîch ist . und wie .
 25b,29 sprichest dû daz man muoz hoechen den gotes sun . wer ist der gotes sun .”
 25b,30 dô sprach zuo in Jêsus “noch an iuch ein wênigez lieht . gêt die wîl ir daz
 25b,31 lieht habet daz iuch di vinster iht begrîfe . und der in der vinster gêt
 25b,32 der weiz niht wâ er gêt . di wîl ir daz lieht habet sô geloubet an daz
 25b,33 lieht . daz ir des liehtes kint sît .” dô Jêsus daz gesprach dô gie er von in
 25b,34 und verbarc sich . den passiôn des ertages . schrîbet sancte . Matheus
 25b,35 – – – – ez wâren di ôstern über zwêne tage .
 25b,36 und gerten di obersten êwarten und di schrîbær wie si Jêsum mit
 ungetriuwen
 25b,37 viengen . und in erslüegen . si sprâchen “niht an dem heiligen tage .
 25b,38 daz trüebunge iht würde ûnder den liuten .” und dô Jêsus was in Simonis
 25b,39 hûse des ûzsetzigen und saz . dô kom ein wîp und hête –

- 25b,40 ein edel salben und – – und brach daz vaz und gôz di salben
 25b,41 ûf sîn houbet . ez wâren sümelich di daz unwirdicliche truogen in in selben
 .
 25b,42 und sprâchen wâr umbe der schade wær getân . wan dise salbe möhte
 25b,43 wole tiurer verkoufet sîn danne umbe driu hundert pfenninge und hiet .
- 26a,1 di gegeben den armen . und zurnten an si . Jêsus sprach “verhenget ir .
 26a,2 des wâr umbe sît ir dem wîbe vîant . ein guot werc hât si geworht
 26a,3 an mir und swenne ir wellt sô müget ir ir guot getuon . ir habet die
 26a,4 armen ze allen zîten bî iuch . ir habet aber mîn ze allen zîten niht .
 26a,5 daz si mohte daz tet si si ist vüre komen salben mînen lîp ze der bivelde .
 26a,6 wærlîche sage ich iu . swâ man daz evangelium saget in alle dem lande sô
 26a,7 wirdet geredet daz si ez habe getân ze der bivelde mîner behügede .” und
 Judas
- 26a,8 Ischariot der zweliver einer . der gie ze den obersten êwarten . unde sprach
 26a,9 waz si im geben wolten . daz er in Jêsum verriete . dô si daz hôrten dô
 26a,10 wurden si vrô . und gehiezen im den schatz ze gebenne . und gedâhte wie
 26a,11 er in gevellicliche verriete . und an dem êrsten tage der hôchzît . di si
 26a,12 begiengen dô sprâchen di junger . “wâ wilt dû daz wir gên . und .
 26a,13 machen dir ze ezzenne .” und sande zwêne sîner junger und sprach “gêt
 26a,14 in di stat dâ begeenet iu ein mennische und treit ein largel mit
 26a,15 wazzer dem volget nâch . und swâ er in gê . sô sület ir ze dem wirte
 26a,16 sprechen wâ ist mîn revender dâ ich mit mînen jungern ezze di
 26a,17 ôstern . und zeiget in ein muoshûs . wole gemachetez . und bereitete
 26a,18 im daz ezzen .” und vuorten di junger dâ hin und kômen in di stat
 26a,19 und vunten als er in gesaget hête . und macheten di ôstern umbe den
 26a,20 âbent . kom er mit den zweliven . und dô si gesâzen und âzen dô
 26a,21 sprach Jêsus “wærlîche sage ich iu . daz iuwer einer mich verkoufet der
 26a,22 mit mir izzet .” si begunden alle trûren und sprâchen . sunderliche
 26a,23 “bin ich ez .” er sprach zuo in “der zweliver einer der dâ tunket
 26a,24 mit mir in den napf der verræt des mennischen sun als von
 26a,25 im geschriben ist . wê aber dem mennischen von dem des mennischen
 26a,26 sun wirdet gegeben . jâ wær bezzer im daz er nie geboren wære .” und
 26a,27 dô si âzen dô nam Jêsus daz brôt und segenete ez und brach ez
 26a,28 und gap in ez und sprach “nemet daz ist mîn lîchnam .” und nam
 26a,29 den bechær und segenete in und sprach . “nû trinket daz ist mîn
 26a,30 bluot der niuwen . ê . daz wirdet umbe manic vergozzen . ich sage iu .
 26a,31 wærlîchen daz ich nû niht trinke des trankes unz an den tac
 26a,32 daz ich trinke niuwes in gotes rîche” und dô er den segen sprach
 26a,33 dô gie er ûf den berc Oliueti . und sprach zuo in Jêsus “ir werdet .
 26a,34 alle geschendet an mir hînaht an dirr naht . wan ez ist geschriben
 26a,35 ich slahe den hirten . und di schâf der herte werdent zerströuwet
 26a,36 und dâr nâch sô ich erstên . sô gên ich vore iu in Galileam .”
 26a,37 sancte Pêter sprach zuo im “ob alle di geschant werdent an dir . des
 26a,38 en werde ich niht .” Jêsus sprach zuo im . “wærlîchen sage ich dir daz
 26a,39 dû hînaht an dirre naht . êr . der han zwire singe . mîn verlougenest
 26a,40 drîe stunte” dô stuont sancte Pêter “ob ich muoz sterben mit dir . ich
 26a,41 verlougenen dîn niht .” alsô sprâchen di junger alle . und Jêsus .

26a,42 kom an sîn eigen daz hiez Gethsemane . und sprach zuo sînen
 26a,43 jungern “sitzet hier unz daz ich gebete” und nam mit im Petrum
 26a,44 und Johannem und begunde in vürhten und trûren und sprach

26b,1 zuo in . “mîn sêl ist trûric ze dem tôde . enthabet iuch
 26b,2 hier und wachet .” und dô er ein wênic vûrebaz gie . dô .
 26b,3 viel er ûf di erde und betete ob ez werden möhte daz .
 26b,4 in diu zît vergienge . und sprach “vater mîn ez ist dir
 26b,5 allez mûglich . nim di marter von mir . und niht daz
 26b,6 mîn wille werde ervûllet sunder der dîn .” und kom unde
 26b,7 vant si slâfente und sprach zuo Simon Petrô . “slâfest
 26b,8 dû mohtest dû niht ein wîl gewachen mit mir . erwachet
 26b,9 und betet daz ir iht werdet bekoret . der geist .
 26b,10 ist bereit daz vleisch ist aber siech .” und gie aber hin .
 26b,11 und betete dise selben wort und kom zuo den jungern .
 26b,12 und vant si slâfente . ire ougen wâren beswert und
 26b,13 westen niht waz si im antwurtet und kom ze .
 26b,14 dem drittem mâl und sprach zuo in “slâfet und ruowet
 26b,15 sîn ist genuoc diu zît ist komen daz des mennischen sun
 26b,16 wirdet gegeben in di hende der süntær . stêt ûf und gên wir
 26b,17 der mich dô verrætet . der ist nâhen .” und dô er dannoch
 26b,18 redete dâ kom Judas Ischariot der zweliver einer und .
 26b,19 mit im ein grôz schar mit swerten und mit stangen
 26b,20 gesant von den obersten êwarten . und von den schrîbærn
 26b,21 und von den alten . der verrâtær hête in daz zeichen gegeben .
 26b,22 “swen ich dâ kûsse der ist ez . den habet und
 26b,23 vûeret in gewêrlîche .” dô Judas kom dô gie er .
 26b,24 zuo im und sprach “meister” und kuste in . si viengen
 26b,25 in und habeten in . einer der di dâ stuonten vuorte .
 26b,26 daz swert und sluoc des obersten êwarten knehte
 26b,27 daz zesem ôr ab . Jêsus sprach zuo in . “ir sît komen mit
 26b,28 den swerten . und mit stangen . als ze einem roubær .
 26b,29 mich ze vâhenne alle tage was ich bî iu in dem tÊmpel .
 26b,30 und lêrte iuch und vienget mîn niht . sunder daz diu .
 26b,31 schrift ervûllet wûrde .” dô liezen in di junger .
 26b,32 und vluchen . ein jungelinc volgete im gekleidet
 26b,33 in einem mandel über nackent hût . und viengen .
 26b,34 in und liez . den mandel . und vlôch nackent von in .
 26b,35 und vuorten Jêsum zuo den obersten êwarten . und die
 26b,36 alten und di schrîbær zesamene . Petrus volgete im nâch
 26b,37 unz in des obersten êwarten hov und saz dâ mit .
 26b,38 den dienærn . und wermete sich bî dem viure di obersten
 26b,39 êwarten und alle di ze der sprâche wâren komen . di
 26b,40 suochten valsche urkunde wider Jêsum . daz si in brâhten
 26b,41 ze dem tôde und vunten niht . genuoge . sprâchen
 26b,42 wider in lûgelîche daz niht gevellic was . und .
 26b,43 sumelich stuonten ûf und brâhten lûgenlîchiu wort .

- 32a,1 bischolve sprâchen ze Pilatô . “schrîp niht der juden küninc . sunder
 32a,2 er sprach der juden küninc .” des antwurte Pilatus . “daz ich geschriben
 32a,3 hân . daz hân ich geschriben .” dô in di ritter kriuzten dô
 32a,4 nâmen si sîn gewant . und teilten ez in driu . iegelîchem ritter ein
 32a,5 teil und der roc was ungenæjet oben überal gewebet . dô sprâchen
 32a,6 si zuo einander . “zerteilen wir in niht werfen wir daz lôz wes er sî”
 32a,7 daz di schrift ervüllet werde . “si teilten mîn gewant und wurfen
 32a,8 daz lôz umbe mînen roc .” daz tâten di ritter . ez stuont ouch bî
 32a,9 dem kriuze Jêsus muoter . und Maria Magdalena . und Maria Cleophae .
 32a,10 dô sach Jêsus sîn muoter an . und den junger den er dô minnete dô
 32a,11 sprach er zuo sîner muoter . “wîp sihe dînen sun .” dâr nâch sprach
 32a,12 er zuo dem junger . “nû sihe dîn muoter” und von der selben wîl
 32a,13 nam si der junger in sîn pflege . dâr nâch wiste Jêsus . wan
 32a,14 ez allez geendet was . daz diu schrift ervüllet würde . dô sprach
 32a,15 er “mich dürstet .” dô stuont ein vaz volles ezziches . si buten im gegen
 32a,16 dem munde einen badeswamb volles ezziches und leiten ein roeren
 32a,17 dâr in . dô er des ezziches gesmackete . dô sprach er “ez ist geendet”
 32a,18 und mit geneigtem houbete gap er den geist . di juden bâten
 32a,19 wan ez der karvrîtac was . daz di lîchnamen iht an dem kriuze
 32a,20 beliben . des sameztages wan der sameztac was heilic . dô bâten si
 32a,21 Pilatum . daz man in diu bein zerslüege . und si ab næme . dô kômen
 32a,22 di ritter des êrsten . di bein zerbrâchen si . und des andern der dâ
 32a,23 gekriuzt was mit im . dô si kômen zuo Jêsu . und daz si sâhen daz
 32a,24 er tôt was . dô zerstiezen si niht sîniu bein . sunder der ritter einer
 32a,25 tet ûf sîn sîten mit einem sper und sâr zehant gie her ûz wazzer
 32a,26 und bluot und der ez sach der sagete ez und wizzen wir wole daz
 32a,27 sîn urkünde wâr ist . und weiz wole daz er wâr saget . und daz
 32a,28 ir ez geloubet daz geschach dâr umbe . daz diu schrift ervüllet
 32a,29 werde . “ir geminneret niht ein bein von im .” und aber ein ander
 32a,30 schrift . “sâhen si an den den si durchstâchen .” dâr nâch bat Josepch
 32a,31 von Arimathia Pilatum . dâ von daz er gotes junger was tougenlîche
 32a,32 durch der juden vorhte . daz er im gæbe Jêsus lîchnamen .
 32a,33 dô kom ouch Nicodemus der dô komen was des nahtes zuo Jêsu .
 32a,34 des êrsten und brâhte Jêsus ein salben von mirren und von âlôes
 32a,35 wole zehen pfunt und nâmen den lîchnamen Jêsu und wunden in
 32a,36 in ein tuoch und mit wîrouche als di juden noch site . habent ze
 32a,37 bestatene . ez was an der stat dâ er gekriuzt wart ein garte .
 32a,38 und in dem garten ein grap daz was niuwez . in daz noch
 32a,39 niemant was gelegen . dâ durch den vrîtac der juden wan .
 32a,40 dâ bî was daz grap dâ leiten sie in in . daz evangelium
 32a,41 an dem ôsterâbende . schrîbet uns . sancte . Matheus .
 32a,42 – – – – – . –
 32a,43 – . an der vesper des sameztages diu dâ liuhtet an .
 32a,44 dem êrsten sameztage dô kom Maria . Maria Magdalena unde

 32b,1 diu ander Maria ze sehenne Jêsus grap . –[...]

 34a,1 in hin habent geleit . dô si daz gesprach dô kêrte si sich .

- 34a,2 wider und sach Jêsum stên . und weste niht daz ez Jêsus was
 34a,3 dô sprach Jêsus zuo ir “wîp waz weinst dû wen suochest dû” si .
 34a,4 wânte daz ez wære ein gartenær und sprach zuo im “hêrre habest
 34a,5 dû in ûf gehalten sô sage mir wâ dû in hin habest geleit
 34a,6 sô hebe ich in ûf .” Maria kêrte sich wider und sprach “–”
 34a,7 daz sprichet meister . dô sprach zuo ir Jêsus “rüere mich niht . ich
 34a,8 bin noch niht komen zuo mînem vater . ganc zuo mînen junger
 34a,9 und sage in . ich var zuo mînem und iuwerem vater . mînem gote
 34a,10 und iuwerem gote .” dô kom Maria Magdalena . und kündete ez den .
 34a,11 jungern . “ich sach den hêrren und sagete mir daz /” daz evangelium des
 vrîtages . schrîbet . Johannes
 34a,12 – – – – – .
 34a,13 – – . die einliv junger giengen in Galileam . ûf den berc als ez
 34a,14 in geboten hête Jêsus . und dô si in sâhen dô beteten si in an . sümelich
 34a,15 zwîvelten . und Jêsus gie zuo . und redete mit in und sprach
 34a,16 “mir ist gegeben aller der gewalt in himel und in erde . gêt und
 34a,17 lêret alle di werlt und toufet si in dem namen . des vaters
 34a,18 und des sunes und des heiligen geistes . und lêret si behalten allez
 34a,19 daz ich iu geboten hân . und ich bin mit iu alle tage . unz an
 34a,20 daz ende der werlte .” daz evangelium des sameztages . schrîbet . Johannes
 .
 34a,21 – – . – – – – – eines sameztages
 34a,22 kom Maria Magdalena vruo .. dô ez dannoch vinsten was .
 34a,23 zuo dem grabe und sach den stein ab gewalgeten von dem grabe si
 34a,24 lief und kom zuo Simon Petrô und zuo dem junger den Jêsus dô
 34a,25 minnete und sprach zuo in . “si habent mînen hêrren . ûz dem grabe
 34a,26 erhaben . und wizzen wir niht wâ si in hin habent geleit .” dô
 34a,27 gie Simon Petrus her ûz . und der ander junger . der kom hin zuo
 34a,28 dem grabe . zwêne liefen mit einander und der ander lief balder
 34a,29 danne Petrus . und was der êrst hin zuo dem grabe und dô er
 34a,30 sich geneigete dô sach er di lînlichen ligen in dem grabe und
 34a,31 gie niht dâr in . dô kom nâch im Simon Petrus und gie in .
 34a,32 daz grap und sach di tûecher und daz sweitzuoch daz dâ was
 34a,33 ob sînem houbete . niht mit den lînlichen geleit . sunder zesamene
 34a,34 gebunden an ein stat . dô gie der ander junger dâr in
 34a,35 der dâ des êrsten komen was zuo dem grabe . und sach ez
 34a,36 und geloubete ez . si erkanten dannoch niht der schrift daz
 34a,37 er muoste erstên von dem tôde . des nâhesten sunnentages nâch ostern .
 schrîbet . Johannes
 34a,38 – – – – – . – – .
 34a,39 – – an einem sameztage dô ez spæte wart und di tûre
 34a,40 wâren versperret . dâ di junger wâren gesamenet durch
 34a,41 der juden vorhte dô kom Jêsus enmitten und sprach zuo in
 34a,42 “– – der vride sî mit iu .” und . dô er daz gesprach .
 34a,43 dô zeigete er in hende und vûeze und sîten dô wurden
 34b,1 di junger vrô . dô si gesâhen den hêrren . dô
 34b,2 sprach er zuo in “der vride sî mit iuch . als mich sande

- 34b,3 mîn vater . alsô sende ich iuch .” dô er daz gesprach dô
 34b,4 blies er und sprach zuo in “nemet den heiligen geist unde
 34b,5 swelichen ir vergebet ire sünde den werdent si vergeben .
 34b,6 und swelichen ir si gehabet den werdent si gehabet .”
 34b,7 Thomas der zweliver einer . der dô heizet Didimus der was
 34b,8 niht mit in . dô Jêsus kom dô sageten im di andern jungern .
 34b,9 “wir sâhen den hêrren .” er sprach zuo in “ich sihe danne
 34b,10 sîn hende – mit den löchern der nagele und ich lege .
 34b,11 mîn vinger an der nagel stat und lege mîn hant .
 34b,12 in sîn sîten . ich geloube sîn anders niht” und nâch ahte
 34b,13 tagen dô wâren di junger aber danne und Thomas mit
 34b,14 in dô kom Jêsus bî versparter tûre und stuont ûnder in .
 34b,15 und sprach “der vride sî mit iuch .” dâr nâch sprach er ze
 34b,16 Thomas “lâze dîn vinger her und sihe mîn hende und stôz .
 34b,17 dîn hant in mîn sîten und wis niht ungelöubic sunder .
 34b,18 getriuwe .” dô antwurte im Thomas und sprach “mîn hêrre
 34b,19 und mîn got .” dô sprach zuo im Jêsus . “Thoma wan dû mich .
 34b,20 hâst gesehen . geloubest dû . di sint – selic di mich niht
 34b,21 sâhen und ez doch geloubent .” Jêsus begieng ander zeichene vile .
 34b,22 ze gesichte sîner junger diu niht geschriben sint an disem buoche
 34b,23 diu sint aber geschriben daz ir geloubet daz Jêsus ist gotes sun .
 34b,24 und daz si gelöubic sîn und daz hieten in sînem namen .
 34b,25 daz gotesrîche . daz evangelium der mittewochen . schrîbet . Lucas . –
 34b,26 – – . – – . – – –
 34b,27 – . Jêsus erstuont vruo an dem sameztage und erschein
 34b,28 des êrsten Marîe Magdalêne von der er vertriben .
 34b,29 hête siben boeser geiste . di gie und kündete ez den . di mit
 34b,30 im wâren klagente und weinente . dô si daz vernâmen
 34b,31 daz er lebete und daz si in gesehen hête und geloubeten ez
 34b,32 niht . dâr nâch dô ir zwêne giengen in di stat . dô erschein .
 34b,33 er in in einem andern bilede und di giengen hin und sageten
 34b,34 ez den andern liuten . daz evangelium des vrîtages . schrîbet . Markus
 34b,35 – – – . die wîp giengen ûz
 34b,36 dem grabe mit vorhten und mit grôzer vröuwede und liefen
 34b,37 und kunten ez sînen jungern . und lief Jêsus gegen in und
 34b,38 sprach zuo in “sît willekomen .” si vielen im ze vüezen .
 34b,39 und an beteten in . dô sprach zuo in Jêsus “vürhtet iu niht
 34b,40 saget ez mînen brüedern daz si gên in Galileam dâ
 34b,41 sehent si mich .” dô si hin geschieden . dô kômen sümelich der
 34b,42 huotær in di stat . und kunten den bischoven elliû dinc .
 34b,43 di dâ wâren ergangen und giengen zesamene di alten
 34b,44 und nâmen rât daz si gæben grôzen schatz den rittern
 34b,45 daz si sprâchen daz sîn junger wâren komen des nahtes .

 35a,44 [!!][...] [!!] [!!] [!!] [!!] wan ich hân ir niht geredet von mir

 35b,1 selben wan der vater der mich sande der gap mir daz gebot .
 35b,2 daz ich dâ spriche und daz ich dâ rede . und weiz wole .

- 35b,3 daz sîn gebot ist daz êwic leben . daz ich dâ rede daz
 35b,4 spriche ich als mir ez sagete mîn vater . des dritten sunnentages schrîbet .
 Johannes
- 35b,5 - - - - -
 35b,6 - - - - - . Jêsus sprach zuo sînen jungern
 35b,7 “ez ist ein wênic zît daz ir mich nû niht sehet . und ist aber
 35b,8 ein kurz zît daz ir mich sehet wan ich var zuo mînem
 35b,9 vater .” dô sprâchen sîn junger zuo einander “waz ist daz er
 35b,10 spricht . ez ist niht lanc daz ir mîn niht sehet und aber
 35b,11 kurz daz ir mich sehet wan ich var zuo mînem vater .
 35b,12 waz ist daz er spricht . ein wênic wir ez en wîzen . waz
 35b,13 er meinet .” dô weste Jêsus wole daz si in wolten vrâgen .
 35b,14 und sprach zuo in ir vrâget ûnder iu von dem daz ich .
 35b,15 sprach ez ist niht lanc daz ir mîn niht sehent . und aber niht
 35b,16 lanc daz ir mich sehet . wêrlîche sage ich iu daz ir trûret
 35b,17 und weinet und daz sich di werlt vrôuwet und iuwer trûren
 35b,18 wirdet bekêret in vrôuwede . sô daz wîp gebiret sô ist si trûric
 35b,19 wan ire zît ist komen . sô si aber gebiret daz kint sô gedenket
 35b,20 si niht der noete von der vrôuwede daz ein mennische ist
 35b,21 geboren in dise werlt . ir habet nû unvrôuwede ich gesihe iuch
 35b,22 aber und vrôuwet sich danne iuwer herze . und nimet niemant
 35b,23 di vrôuwede von iuch daz evangelium der mittewochen . schrîbet .
 Johannes
- 35b,24 - - - - - ez was
 35b,25 ein vrâge von Johannis junger mit den juden von der toufe
 35b,26 und kômen zuo Johanne und sprâchen zuo im . “meister der dâ
 35b,27 was anderhalbe des Jordâns mit dir dem dû urkünde gæbe
 35b,28 der toufet und koment alle zuo im .” des antwurte Johannes
 35b,29 und sprach . ez en mac daz mennische niht genemen . ez werde
 35b,30 im gegeben von himel . ir selbe urkündet mir daz ich sprach
 35b,31 ich bin ez niht Christus sunder von im bin ich gesant . der
 35b,32 diu brût hât der ist briutegome . des briutegomes vriunt
 35b,33 stêt und hoeret in und vrôuwet sich durch des briutegomes .
 35b,34 stimme . mîn vrôuwede ist ervüllet er muoz wahsen und ich ab
 35b,35 nemen . der von himel kumet der ist ob in allen . und der von
 35b,36 der erde ist der redet ouch von der erde . der dâ von den .
 35b,37 lûften kumet der ist ob in allen . und daz er sihet und hoeret daz
 35b,38 redet er . und nimet sîn urkünde der ez aber nimet der bezeichnenet
 35b,39 daz got wârhaft ist . den got dâ sande in di werlt
 35b,40 der spricht ouch sîniu . wort . got gît den geist niht mit
 35b,41 der mâze . der vater der minnet den sun und hât im ez
 35b,42 allez gegeben in sîn gewalt . der geloubet an den sun der
 35b,43 hât daz êwic leben . der aber ungelöubic ist dem sune der
 35b,44 hât niht daz êwic leben . sunder gotes zorn belîbet bî im .
 35b,45 des vierden sunnentages . schrîbet . Johannes - - - - -
- 36a,1 - - . - - - - - . Jêsus sprach
 36a,2 zuo sînen jungern . ich gên zuo dem der mich gesant hât . und .

- 36a,3 vrâget mich iuwer decheiner wâr wilt dû . nû hân ich iu geseit
 36a,4 daz iuwer herze trûrent . wærlîche sage ich iu ez ist iu guot .
 36a,5 daz ich var hin . sô kumet der heilic geist zuo iu niht . kume ich
 36a,6 aber dar sô sende ich iu in . sô er danne kumet sô strâfet er
 36a,7 diu werlt umbe di sünde und umbe daz reht und umbe daz geriht .
 36a,8 umbe di sünde daz si niht an mich geloubent . unde umbe
 36a,9 daz reht daz ich var zuo mînem vater und mîn nû niht sehet .
 36a,10 und umbe daz geriht . wan der vûrste dirr werlt ist gerihtet .
 36a,11 ich hân iu noch vile ze sagenne . ir meget sîn aber nû
 36a,12 niht getragen . sô aber kumet der geist der wârheit . sô lêret
 36a,13 er iuch alle wârheit . er redet niht von im selben . sunder swaz
 36a,14 er gehort daz redet er . und swaz künftic ist daz kûndet
 36a,15 er iu . er êret mich wan er nimet von dem mînem . und saget
 36a,16 iuch ez allez daz mîn vater hât daz ist mîn . dâr umbe sprach
 36a,17 ich daz er ez nimet von dem mînem und saget iu ez allez
 36a,18 daz mîn vater hât daz ist mîn . dâr umbe sprach ich daz er
 36a,19 ez nimet von dem mînem . und kûndet ez iuch . daz evangelium des vrîtages
 . schrîbet . Johannes
 36a,20 - - - - - .
 36a,21 - - - - - . Jêsus sprach zuo sînen jungern .
 36a,22 “kinder noch bin ich ein wîl mit iu . ir suochet mich und als
 36a,23 ich sprach zuo den juden . dar ich dô gên dâ meget ir hin nû
 36a,24 niht komen . und lêr iuch nû ein niuwez gebot . daz gibe ich iu
 36a,25 daz ir an einander minnet dâ bî erkennen si alle daz .
 36a,26 ir mîn junger sît . ob ir di minne habet zuo einander .” dô
 36a,27 sprach zuo im Simon Petrus “hêre war gêst dû .” dô sprach Jêsus
 36a,28 “dâr ich dô hin gên . dar maht dû nû niht gevolgen . dû volgest
 36a,29 aber her nâch .” an dem tage Tiburtii . et Valeriani . scrîbet . Lucas .
 36a,30 - - - - - . - - - - -
 36a,31 - - - - - . Jêsus der sagete sînen jungern . “ich bin .
 36a,32 ein wâriu wînrebe und ist mîn vater ein bûman . alle di schüzzelinge
 36a,33 di niht wuochers bringent . -[...] ir sît nû rein durch di wort
 36a,34 di ich iu hân gesaget . belîbet an mir und ich an iuch . als der
 36a,35 schüzzelinc niht mac wuochers bringen von im selben er belîbe
 36a,36 danne an der wînrebe . alsô meget ir niht ir belîbet danne an
 36a,37 mir . ich bin diu wînrebe und ir sît di schüzzelinge der an mir
 36a,38 belîbet der bringet vile wuochers . wan ir âne mich niht meget
 36a,39 getuon . swer niht an mir belîbet den wirfet man ûz .
 36a,40 als den schüzzelinc und dorret und liset in zesamene in daz viur .
 36a,41 und brennet in und belîbet ir an mir und mîniu wort
 36a,42 mit iu belîbent . swaz ir wellt des geret daz wirdet iuch .
 36a,43 anders gert niht mîn vater danne daz ir vile wuochers
 36a,44 bringet und werdet mîn junger . als mich mîn vater minnete .

 36b,1 alsô minne ich iuch dâ von belîbet in mîner minne . ob ir mîniu .
 36b,2 gebot behaltet sô belîbet in minne . als ouch ich mînes vateres gebot
 36b,3 behielt und belîbe an sîner minne . daz hân ich mit iu geredet . daz
 36b,4 mîn vrôuwede sî mit iu . und iuwer vrôuwede werde ervûllet .” an dem

- 36b,5 tage der hêrren . sancte . Philippi und Jacobi . schrîbet sancte . Johannes
daz evangelium
- 36b,6 - - - - - . - . - - - - - .
- 36b,7 - - . Jêsus sprach zuo sînen jungern . “iuwer herz sol niht trûren geloubet
36b,8 ir an got sô geloubet ouch an mich . in mînes vateres hûse ist . vile
36b,9 wonunge . ob ich iu niht gesaget hête . daz ich gein iu bereitete diu stat .
36b,10 nû kume ich und nime iuch zuo mir selben . dâ ich sî daz ir ouch
36b,11 dâ sît . und dar ich dâ gên daz wizzet ir und den wec wizzet
36b,12 ir .” dô sprach zuo im Thomas . “hêrre wir wizzen niht war dû
36b,13 gêst und wie mûgen wir wizzen den wec .” dô antwurte im Jêsus
36b,14 “ich bin der wec diu wârheit und daz leben . ez kûmet niemant zuo
36b,15 dem vater wan mit mir . ob ir mich erkennet sô erkennet ir
36b,16 ouch mînen vater . und ir kennet in hiute lange . und habet in gesehen .”
36b,17 dô sprach zuo im Philippus “hêrre zeige uns den vater sô genûeget
36b,18 uns .” des antwurte im Jêsus ich bin sô lange mit iu gewesen
36b,19 und ir kennet mîn niht . Philippe der mich sihet . der sihet ouch
36b,20 mînen vater . wie sprichest dû zeige uns den vater . geloubest
36b,21 dû niht daz ich mit dem vater und der vater mit mir ist . diu
36b,22 wort diu ich gesprochen hân zuo iuch diu hân ich niht geredet von
36b,23 mir selben . der vater der mit mir dâ ist der wûrket diu werc .
36b,24 oder geloubest dû niht daz ich mit dem vater und der vater mit
36b,25 mir ist durch diu selben werc geloubet . wærlîche sage ich iu swer
36b,26 an mich geloubet diu werc diu ich dâ tuon . diu tuot ouch er und tuot
36b,27 groezer wan ich gên zuo mînem vater . swes ir bitet in mînem .
36b,28 namen den vater daz ich daz tuon . als daz heilic kriuze vunden wart schrîbet
. sancte . Johannes .
- 36b,29 - - - - - .
- 36b,30 - - . ez was ein mennische der hiez Nicodemus .
- 36b,31 und was vürste der juden . der kom des nahtes zuo Jêsu und sprach
36b,32 zuo im “meister wir wizzen wole . daz dû von gote bist komen . ez möhte
36b,33 diu zeichen niemant getuon diu dû dâ tuost ez wære got bî im .”
36b,34 “wærlîche sage ich dir niuwan der geboren wirdet anderstunt daz anders
36b,35 niemant mac komen zuo dem gotesrîche .” dô sprach zuo im Nicodemus
36b,36 “wie mac der mennische wider geboren werden . swenne er alt ist . oder
36b,37 mac er aber in sîn muoter komen . und anderstunt geboren werden .”
36b,38 des antwurte im Jêsus “wærlîche sage ich dir niuwan der getoufet
36b,39 wirdet ûz dem wazzer mit . dem heiligen geiste . daz niemant mac .
36b,40 komen in daz gotesrîche . daz von dem vleische geboren ist daz ist
36b,41 ouch vleisch . und daz geboren ist von dem geiste daz ist ouch ein
36b,42 geist lâ dich niht wundern daz ich dir gesaget hân . daz anderstunt
36b,43 müeze geboren werden . swâ der geist wile dâ sprichet er
36b,44 und hoerest sîn stimme und weist niht von wannen diu oder –[...]
- 38a,1 vile wuochers bringet und daz ir werdet mîn junger . als
38a,2 mich minnet mîn vater alsô minne ich iuch . belîbet in mîner
38a,3 minne . ob ir mîniu gebot behaltet . sô belîbet ir in mîner
38a,4 minne als ich ouch behielt diu gebot mînes vateres unde
38a,5 wone in sîner minne daz hân ich iu gesaget . daz mîn vrôuwede

- 38a,6 sî mit iu und daz iuwer vröuwede . werde ervüllet .” an dem pfingestâbende
 . schrîbet . sancte . Johannes .
- 38a,7 — — — — —
- 38a,8 — — . — — — — — . Jêsus
- 38a,9 sprach zuo sînen jungern . “ob ir mich minnet sô behaltet mîn
 38a,10 gebot und ich bite den vater und er gît iu . einen andern troestær .
 38a,11 daz er belîbe mit iu êwiclîche . den geist der wârheit den di
 38a,12 werlt niht mac entwâhen wan si sîn niht en sihet noch en weiz
 38a,13 sîn niht ir erkennen in . wan er belîbet . bî iu . und . wirdet in
 38a,14 iu wonente noch ein lützel . und en sihet mîn diu werlt niht ir sehet
 38a,15 aber mich wan ich lebe und ir lebet an dem tage . erkennen
 38a,16 ir daz ich mit mînem . vater bin und ich mit iu .
 38a,17 und ir mit mir . der mîniu gebot hât und diu beheltet der
 38a,18 ist der mich dâ minnet . der wirdet geminnet von mînem vater
 38a,19 und minne ich ouch in .” daz evangelium an dem pfingesttage . schrîbet
 sanctus . Johannes . evangelista
- 38a,20 — — — — — .
- 38a,21 — — — . — — — . Jêsus sprach .
- 38a,22 zuo sînen jungern . “der mich lieb hât der beheltet mîn gebot unde
 38a,23 minnet in mîn vater . und koment zuo im und habent wonunge
 38a,24 mit im . der mich niht minnet der beheltet niht mîn lère . und
 38a,25 diu rede di ir vernomen habet von mir diu ist niht mîn .
 38a,26 sunder des der mich gesant hât . des vateres daz hân ich iu
 38a,27 gesaget bî iu wonente . der heilic geist der troestet den der
 38a,28 vater sendet in mînem namen . der lêret iuch ez allez und
 38a,29 kündet iu allez daz ich iu sage . mînen vride lâze ich iu mînen
 38a,30 vride sende ich iu . niht als disiu werlt gît . ich iu gibe
 38a,31 iuwer herze trûrent niht noch en vûrhtet niht . habet ir vernomen
 38a,32 daz ich iu sagete . ich var und kume zuo iu . ob ir mich
 38a,33 minnet sô vröuwet ir iuch wêrlîche . daz ich var zuo dem vater
 38a,34 wan der vater ist mêrer danne ich . und hân iu ez nû gesaget
 38a,35 êr . ez geschehe . sô ez geschehe daz ir ez geloubet . ich rede
 38a,36 nû niht mit iu vile ez ist komen der vûrste allere dirre werlt
 38a,37 und hât niht an mir sunder daz diu werlt erkenne daz ich
 38a,38 minne den vater und als mir der vater tuot alsô tuon ich iu .” daz evangelium
 des mântages . schrîbet . Johannes .
- 38a,39 — — — — — .
- 38a,40 — — . — — — — — .
- 38a,41 — . Jêsus sprach zuo sînen jungern . “alsô minnet got di
- 38b,1 werlt . daz er sîn einboren sun gebe daz alle di an in .
 38b,2 geloubent niht verderbent sunder daz si haben daz êwic leben
 38b,3 got sande sîn sun niht alsô in dise werlt . daz er rihte über di
 38b,4 werlt . sunder daz diu werlt geheiligt werde durch in . der an in
 38b,5 geloubet den urteilet man niht . der niht geloubet den urteilet
 38b,6 man . wan er niht geloubet in dem namen gotes des einboren
 38b,7 kindes . daz ist daz geriht wan daz licht kom in di werlt . und
 38b,8 di liute minneten di vinster mêr danne daz licht . iriu werc wâren

38b,9 übel . swer sô übel tuot der hazzet daz lieht . und kumet niht ze liehte
 38b,10 daz man iht prüeve sîn werc . der aber tuot di wârheit der kumet
 38b,11 ze liehte . daz sîniu werc geoffenet werden wan si in gote sint getân .
 38b,12 des ertages daz evangelium schrîbet . Johannes – – – – .
 38b,13 – – âmên âmên – – – – –
 38b,14 – – . Jêsus sprach zuo sînen jungern . “wærlîche sage ich iu der
 38b,15 gêt zuo der türe der ist hertær der schâfe dem tuot der torwartel
 38b,16 ûf und hoerent diu schâf sîn stimme und rüefet sîn eigen schâfe
 38b,17 mit namen . und vüerent si ûz . und sô er dannoch diu schâf hât
 38b,18 ûz gevüeret sô gêt er vore in und volgent im diu schâf und erkennennt
 38b,19 sîn stimme . einem vremen volgent si niht . si vliehent .
 38b,20 von im wan si erkennennt sîn stimme .” daz bîspel sagete in dô
 38b,21 Jêsus si verstuonten niht waz er sagete in . dô sprach er aber zuo
 38b,22 in “wærlîche sage ich . iu . daz ich bin diu türe der schâfe . alle di
 38b,23 koment an mich di sint diebe und roubær di erhoerent niht di
 38b,24 schâf . ich bin diu türe swer durch mich in gêt der wirdet heilic
 38b,25 und gêt in und ûz . und vindet di weide . der diep kumet durch
 38b,26 anders niht wan daz er stel und slahe und verliese und ich .
 38b,27 kome daz si behalten daz leben und ez volliclichen haben .”
 38b,28 daz evangelium der mittewochen . schrîbet . Johannes – – – – .
 38b,29 – – . – – . – – . Jêsus sprach zuo .
 38b,30 sînen jungern . “ez mac niemant komen zuo mir niuwan der vater
 38b,31 zîhe in der mich dâ sande und ich erquicke in . an dem jungesten
 38b,32 tage . ez ist geschriben von dem wîssagen . si werdent alle gotes
 38b,33 lêre kint . swer ez gehoert hât von dem vater und ez gelernet
 38b,34 der kumet zuo mir niht . daz den vater iemant habe gesehen .
 38b,35 niuwan der von gote ist der sihet den vater ich sage iu wærlîche
 38b,36 der an mich geloubet . der hât daz êwic leben . ich bin daz lebentic
 38b,37 brôt . iuwer vater âzen daz himelbrôt in der wüeste unde
 38b,38 sint tôt . ditz brôt daz kumet von himel . und swer daz izzet der
 38b,39 erstirbet ouch niemer . ich bin daz lebentic brôt daz dâ kumet
 38b,40 von himel . swer des brôtes izzet . der lebet êwicliche . und daz
 38b,41 brôt ist mîn vleisch daz ich dâ gibe umbe daz leben der werlt .”
 38b,42 des pfîntages . schrîbet . Johannes – – – – .

 40a,1 –[...] und weist des niht . wærlîche sage ich dir daz wir
 40a,2 dô wîzen daz reden wir und daz wir dô sehen .
 40a,3 daz urkünden wir und entwâhet ir niht unser
 40a,4 urkunde . ob ich iu diu irdischen dinc sage und ir
 40a,5 des niht geloubet . sage ich iu danne di himelischen
 40a,6 wie geloubet ir diu . und kümet niemant hin ze .
 40a,7 himel wan der von himel ist her nider komen .
 40a,8 des mennischen sun der ze himel ist . und als Moises .
 40a,9 hoehet di slangen in der wüeste alsô muoz des mennischen
 40a,10 sun . daz alle di geloubent an in niht verderbent sunder
 40a,11 haben daz êwic leben . daz evangelium der mittewochen . schrîbet . Lucas
 .
 40a,12 – – – – . – – – – . –

40a,13 – die junger giengen zuo Jêsum . und sprâchen
 40a,14 zuo im . daz er di menige lieze gên in daz kastele unde
 40a,15 in di dörfer di dâr umbe sint . daz si vinden ze
 40a,16 ezzenne “wan wir sîn hier an einer wüesten stat .” dô
 40a,17 sprach er zuo in . “gebet ir in ze ezzenne .” des antwurtent
 40a,18 im di junger “wir haben niht mêr danne zwêne vische
 40a,19 und vünf brôt wir gên dannen und koufen aller
 40a,20 der menige ze ezzenne .” ez wâren wole vünf tûsent man
 40a,21 dô sprach Jêsus zuo sînen jungern . “heizet di menige sitzen .
 40a,22 und ezzen .” si tâten alsô und sâzen und âzen . dô
 40a,23 Jêsus nam diu vünf brôt und di zwêne vische dô sach
 40a,24 er ûf hin ze himel und segenete si und brach si unde
 40a,25 gap si sînen jungern . daz si si legeten vüre di menige
 40a,26 und âzen alle und wurden gesatet . des vrîtages . . schrîbet . Lucas .
 40a,27 – – – . – – – – .
 40a,28 – – – – – . Jêsus .
 40a,29 sprach zuo sînen jungern . “sô si iuch vüeren ünder der
 40a,30 menige und zuo der meisterschaft . und vüre di gewaltigen
 40a,31 sô sorget niht wie ir antwurtet . oder waz
 40a,32 ir sprechet . der heilic geist lêret iuch an der
 40a,33 selben wîl daz ir redet .” dô sprach vore im einer
 40a,34 der menige “meister gebiut mînem bruoder daz er
 40a,35 mit mir teile daz erbe .” dô sprach er zuo im Jêsus
 40a,36 “mennische wer hât mich gesetzet ze rihtær und ze
 40a,37 teiler über iuch” und sprach zuo in . “sehet und
 40a,38 hûetet iuch vore aller girischheit wan eines .
 40a,39 iegelîchen mennischen leben ist niht von der
 40a,40 genuhtsam . di ez besezen hât” und sagete

 40b,1 in ein gelîchnûs . “eines rîchen mannes acker der
 40b,2 brâhte vile wuochers und er gedâhte in sînem herzen .
 40b,3 und sprach waz sol ich tuon . daz ich niht hân dâ ich
 40b,4 mîn korn inne gesamene und sprach alsô wile ich tuon .
 40b,5 und mînen stadel zerbrechen . und einen mêrern machen
 40b,6 und wile dâr inne samenen allez daz mir gewahsen ist .
 40b,7 und mîn guot und spriche zuo mîner sêl . sêl dû hâst vile .
 40b,8 guotes zesamene geleit ze manigen jâren . zuo izze trinke
 40b,9 habe wirtschafft . dô sprach zuo im got tumber des nahtes .
 40b,10 vordernt si wider di sêl . daz dû danne bereitet hâst . wannen .
 40b,11 wirdet daz . alsô ist dem der im selben schatzet der ist daz
 40b,12 gotesrîche .” an dem sibent âbende . daz evangelium . schrîbet . Lucas
 40b,13 – – – – – . – –
 40b,14 – – ez was in den tagen Herôdes der küninc
 40b,15 was der juden . ein êwart hiez Zacharias und hête
 40b,16 ein wîp von Aaronis geslehte diu hiez Elisabet . si wâren
 40b,17 beidiu reht vore gote behalten an allen dingen .
 40b,18 und hêten niht sunes wan Elisabet was unberhaft
 40b,19 und wâren beidiu komen ze ire tagen . ez geschach

- 40b,20 dô Zacharias begienc daz priesterambet . an der ordenunge
 40b,21 sîner zeche vore gote dô gie er ûz daz er rûnete unde
 40b,22 gie in daz tĒmpel unsers hêrren und alle di menige
 40b,23 des liutes was ûzerhalben des tĒmpels di zît dô man
 40b,24 rûnete dô erschein im der heilic engel . stēnte ze der zesem
 40b,25 hant des . altærs ze dem rouche und dô in Zacharias
 40b,26 ersach dô wart er trûric und vorhte im . dô sprach
 40b,27 zuo im der engel . “vûrhte dir niht Zacharias wan dîn .
 40b,28 gebet ist erhoert und dîn wîp Elisabêt gebiret einen
 40b,29 sun dir . und heizest dû sînen namen Johannes
 40b,30 und wirdet dir ein vröuwede und ein mandunge und
 40b,31 manic vröuwent sich an sîner geburt . er wirdet ouch
 40b,32 grôz vore gote . und wîn noch mete trinket er niht .
 40b,33 und wirdet ervüllet mit dem heiligen geiste in sîner muoter
 40b,34 lîbe und bekêrt der juden zuo gote ein michel teil . unde
 40b,35 er gêt vore im in den geiste und in der tugent Elias .
 40b,36 daz er bekêr diu herze . der veter zuo den sînen
 40b,37 und di ungelöubigen zuo der wîsheit der rehten .
 40b,38 machen dem hêrren . ein durhnehtic kristenheit .”
 40b,39 an dem sibent tage . schrîbet . Lucas . – – – .
 40b,40 – – – . diu zît Elisabêten . daz si

 41a,1 gebern solte . was ervüllet . und gebar einen sun . dô ire
 41a,2 nâchgebûren . und ire vriunde vernomen . daz unser hêrre
 41a,3 sîn erbarmunge hête begangen mit ir des sageten si im
 41a,4 genâde . und an dem ahtoden tage . dô kômen si ze besnîdenne
 41a,5 daz kint und hiezen im nâch sînem vater Zachariam . unde
 41a,6 dô antwurte sîn muoter und sprach “vürenamens niht er
 41a,7 sol heizen Johannes .” und si sprâchen zuo ir “nû ist niemant
 41a,8 in dînem geslehte der alsô heize .” und winkete sînem vater
 41a,9 wie er in solte heizen . und hiez im geben einen pensel unde
 41a,10 schreip “Johannes ist sîn name .” und wunderte si alle des .
 41a,11 sâr zehant wart ûf getân sîn munt und sîn zunge und
 41a,12 redete und lobete got daz ervorhten alle sîn nâchgebûren .
 41a,13 und überschullen alle disiu wort in jüdischheit . und alle
 41a,14 di daz vernâmen di betrahten in ire herze und sprâchen
 41a,15 “wænet ir daz ditz dinc . wærlîche di genâde des heiligen geistes .
 41a,16 ist mit im .” und Zacharias sîn vater wart ervüllet mit . dem
 41a,17 heiligen geiste und wîssaget und sprach “gesegenet sî der got von
 41a,18 Israhel wan er hât gesehen und gemachet di ledigunge sîner diet”
 41a,19 an dem âbende . sancte Pêteres und sancte Paules . schrîbet . Johannes . –
 – .
 41a,20 – – – – – . Jêsus sprach zuo Simon
 41a,21 Petrô Johannis “minnest dû mich mêr danne dise .” dô antwurte im Petrus
 41a,22 und sprach . “hêrre dû weist wole daz ich dich minne .” dô sprach er
 41a,23 zuo im “vüere mîn schâf .” und vrâget aber Jêsus Simon Johannis .
 41a,24 “minnest dû mich .” des antwurte im Petrus “hêrre dû weist ez wole
 41a,25 daz ich dich minne .” dô gebôt er im “vüere mîn schâf .” er vrâgete

- 41a,26 in ze dem dritten mâl und sprach “Simon Johannis minnest dû mich
 41a,27 mêt danne dise .” dô wart sancte Pêter trûric daz er in vrâgete
 41a,28 ze dem drittem mâl . und sprach “hêrre dû weist allez daz dâr ist
 41a,29 dû weist wole daz ich dich minne” dô sprach er zuo im “vüere mîniu
 41a,30 schâf . wærlîche sage ich dir dô dû jûnger wære dô gurtest dû dir . unde
 41a,31 giengest swâ dû woltest nû dû alt bist nû bindet dich ein ander und
 41a,32 vüeret dich dar dû niht wilt .” daz sprach er dâr umbe daz er bezeichente
 41a,33 mit welichem tôde er got solte loben . an dem tage . sancte Petrus unde
 sancte . Paulus . schrîbet . Johannes
 41a,34 – – – – – . Jêsus
 41a,35 kom in daz lant Caesareae daz Philippî was und vrâgete sîn
 41a,36 jungere und sprach “wen heizent di liute des mennischen sun .” di
 antwurten
 41a,37 im und sprâchen . “sûmelich Johannem den toufær eteslich Eliam
 41a,38 di andern Jeremiam oder einen der wîssagen .” dô sprach er zuo
 41a,39 in “wen heizent ir aber mich” dô antwurte im Simon Petrus .
 41a,40 “dû bist ez Christus des lebenten gotes sun .” dô antwurte im Jêsus .
- 41b,1 und sprach zuo im . “Simon Barnola dû bist selic wan ez
 41b,2 dir weder vleisch noch bluot geoffenet hât . sunder mîn .
 41b,3 vater der dâ ze himel ist . und sage ouch dir daz dû ez bist
 41b,4 Petrus und ûf disen stein zimber ich mîn kristenheit und
 41b,5 di helle porten gesigent dir niht an . und gibe dir di slûzzel
 41b,6 des himelrîches . und swaz dû gebindest ûf der erde . daz wirdet
 41b,7 ouch entbunden ze himel . und swaz dû erloesest ûf der erde .
 41b,8 daz wirdet ouch erloeset dâ ze himel” daz evangelium an sancte Paulus tage
 . schrîbet . Johannes
 41b,9 – – – – – . – – .
 41b,10 – – – – Simone Petrus sprach zuo Jêsu . “wir haben
 41b,11 unser guot allez gelâzen . und haben dir nâch gevolget waz
 41b,12 gîs dû uns dâr umbe .” Jêsus sprach zuo in “wærlîche sage ich iu .
 41b,13 dâr ir di mir gevolget habent an dem jungestem tage sô
 41b,14 des mennischen sun sitzet ûf dem stuole sîner magenkraft . sô
 41b,15 sitzet ir ûf den zwelif stüelen . urteilen di zwelif geslehte .
 41b,16 Israhel . oder swer hûs lât oder swester oder bruoder oder vater
 41b,17 oder muoter oder kint oder wîp oder acker durch mînen namen
 41b,18 der nimet ez hundertvaltich wider und besitzet daz
 41b,19 êwic leben .” an dem ahtoden tage der zwelif liuten . schrîbet . Matheus .
 41b,20 – – – – – Jêsus hiez
 41b,21 sîn junger daz si giengen in ein schef und vuoren von im ûf
 41b,22 daz mer unz er verliez di menige . dô er verliez di menige
 41b,23 dô gie er eine ûf den berc beten . dô ez âbent wart dô was
 41b,24 er eine dâ . daz schiffelîn wart getriben von dem winde in daz
 41b,25 mer enmitten . in was der wint widerwertic . an der vierden
 41b,26 wîl der naht . dô kom er zuo in gênte ûf dem mer dô
 41b,27 wurden si trûric und sprâchen . “ez ist ein trügenüsse” unde
 41b,28 schrin vore vorhten dâ zehant redete er mit in . und sprach
 41b,29 “habet guoten gelouben ich bin ez und vûrhtet niht .” dô antwurte

41b,30 im Petrus “hêrre bist dû ez sô heiz mich komen zuo dir ûf daz
 41b,31 mer” dô sprach zuo im Jêsus “kum her” und Petrus liez sich von .
 41b,32 dem scheffe und gie ûf dem mer zuo Jêsus . dô er dô sach .
 41b,33 einen wint dô vorhte er im und dô er begunde sinken
 41b,34 dô ruofte er und sprach . “hêrre hilf mir” und sâr zehant bôt
 41b,35 im Jêsus di hant und begreif in und sprach zuo im “wêniger
 41b,36 des gelouben wâr umbe zwîvelst dû .” und dô er kom in
 41b,37 daz schef dô gelac der wint . di aber in dem scheffe wâren .
 41b,38 di kômen und beteten in an . und sprâch “wârlîche ez ist der gotes sun”
 41b,39 an sancte Marien Magdalênen âbende . schrîbet . Lucas
 41b,40 – Jêsum – phariseus . Jêsum bat ein –

42a,1 phariseus daz er inbîze mit im und gie in sîn hûs
 42a,2 und saz . und ein wîp was in der stat ein süntærinne . sâr
 42a,3 als si gehôrte daz Jêsus gesezzen was in dem hûse pharisei
 42a,4 dô brâhte si ein edeliu salben und stuont hinder im
 42a,5 bî sînen vûezen und begunde twahen sîn vûeze twahen
 42a,6 mit ire zehern und truckenete si mit ire hâr und kuste si
 42a,7 und salbete si mit der salben . dô daz der phariseus ersach
 42a,8 der in dâ geladen hête dô sprach er wider sich selben
 42a,9 ob dirr wære ein wîssage sô weste er wole wie oder wer ditz
 42a,10 wîp wære di in dâ ruorte daz ez ein süntærinne ist des
 42a,11 antwurte im Jêsus und sprach “Simon ich hân dir eteswaz
 42a,12 ze sagenne .” dô sprach er “meister sage dâr .” “zwêne geltær wâren
 42a,13 einem wuocherær schuldic . einer solte im vûnf hundert pfunt
 42a,14 der ander vûnvzic pfunt . dô si niht hêten dâ mit si im .
 42a,15 vergûlten . dô vergap ez ir ietwederm . wer minnet in mêr”
 42a,16 dô antwurte Simon und sprach . “ich wæne dem dâ mêr vergeben
 42a,17 ist” Jêsus sprach “dû hâst reht erteilt .” und kêrte sich
 42a,18 wider zuo dem wîbe und sprach zuo Simon . “sihest dû ditz wîp .
 42a,19 ich gie in dîn hûs und twüege niht mîn vûeze . si dwuoc
 42a,20 si aber mit ire zehern . und truckenete si mit ire hâr und erkante ze
 42a,21 mîn niht . diu zît und ich her in gie sie si mich niht . mîn .
 42a,22 houbet salbetest dû mir niht mit ôle dise salbete aber mîn .
 42a,23 vûeze mit edeler salben dâr umbe sage ich dir ir werdent
 42a,24 vergeben vile sünde .” an der siblen brüeder tage . schrîbet . Matheus
 42a,25 – – – – – . – – – .
 42a,26 – – . Jêsus redete mit den scharen dô stuont sîn
 42a,27 muoter und sîn brüeder und wolten mit im reden . dô sprach
 42a,28 einer zuo im . “dîn muoter und dîn brüeder stênt dâ vore und
 42a,29 suochent dich .” er antwurte dem der im dô sagete und sprach
 42a,30 “wer ist mîn – muoter und welichiu sîn mîn brüeder” unde
 42a,31 zeigete mit der hant an sîn junger . “sehet mîn – muoter
 42a,32 und mîn brüeder . swer sô tuot mînes vateres willen der ist mîn
 42a,33 bruoder mîn swester und mîn muoter .” an sancte Laurentius . tage .
 42a,34 schrîbet . Matheus
 42a,35 – – – – – .
 42a,35 âmên âmên – – . – – – – –

- 42a,36 – – Jêsus sprach zuo sînen jungern “ich sage iu wærlîchen ez
 42a,37 en sterbe danne . daz korn des sâmen daz dâ vellet in di erden
 42a,38 ez belîbet eine stirbet ez aber sô bringet ez vile wuochers .
- 42b,1 der sîn sêl minne der hazze si in dirr werlt . und der si
 42b,2 hier hazzet der beheltet si in daz êwic leben . swer mir
 42b,3 diene der volge mir und swâ ich bin dô ist ouch mîn dienær
 42b,4 swer mir dienet den êret mîn vater der dâ ze himel ist .”
 42b,5 an unser vrouwen tage . als si verschiet . schrîbet . sancte . Lucas .
 42b,6 – – – – – . Jêsus gie
 42b,7 in ein kastele und ein wîp entvienc in die hiez Martha in ire
 42b,8 hûse diu hête ein swester di hiez Maria di saz ouch bî
 42b,9 unsers hêrren vûezen . und hôrte sîniu wort . Martha di vleiz
 42b,10 sich umbe den emzigen dienest . diu stuont und sprach “hêre dû
 42b,11 en ruochest daz mîn swester mich eine lât dienen . gebiut ir daz
 42b,12 si mir helfe .” des antwurte ir der hêre und sprach . “Martha .
 42b,13 Martha dû sorgest und trûrest umbe – manigiu dinc . einez
 42b,14 ist doch dûrflic . Maria hât daz bezziste teil erwelt daz ouch ir niht
 42b,15 wirdet benomen .” an sancte Johannis tage als er enthoubetet wart schrîbet
 sancte . Markus .
- 42b,16 – – – – – . – –
 42b,17 – – Herôdes sande und vieng Johannem . und bûwete in in den
 42b,18 karkær durch Herodiam . daz wîp Philippî sînes bruoderes di
 42b,19 er genomen hête . ez sprach Johannes zuo Herôde “dir ist niht
 42b,20 erloubet dînes bruoderes wîp ze habenne .” daz wîp vâрте sîn und
 42b,21 wolte in erslahen und en mohte . Herôdes vorhte Johannem .
 42b,22 wan er weste wole daz er ein rechter man was . und ein heiliger
 42b,23 man und huotte sîn und tet vile und hôrte in ouch gerne . dô er in
 42b,24 gehôrte und dô der gevellic tac kom . Herôdes zuo dem geburtlîchem
 42b,25 tage machete ein . wirtschaft den vûrsten und den grâven
 42b,26 und den obersten in dem lande ze Galileae dô gie in der kûninginne
 42b,27 tohter Herodiadis und sprach vore Herôde und vore den vûrsten .
 42b,28 daz geviel im wole und allen den di dâ wâren mit im ze der
 42b,29 wirtschaft . dô sprach der kûninc zuo der meide “bite mich swaz dû
 42b,30 wilt . des gibe ich dir” und swuor ir des swaz si in bæte daz er
 42b,31 – ir daz gæbe und ouch sîn rîche halbez . dô si dâ her ûz kom
 42b,32 dô sprach si zuo ire muoter “wes sol ich biten” “dû solt biten des
 42b,33 houbetes Johannis des toufæres .” dô si trat wider in . gie zuo dem
 42b,34 kûninge . sâr zehant bat si in . und sprach “ich wile daz dû mir
 42b,35 gebest daz houbet Johannis des toufæres und ûf einer schûzzel”
 42b,36 und der kûninc wart trûric . durch den eide . und durch di di
 42b,37 bî im sâzen . und wolte si niht betrûeben . und sande nâch dem
 42b,38 slaher . und gebôt im bringen . daz houbet Johannis in einer –[...]
- 52a,1 des vûnften sunnentages schrîbet . sancte Lucas –[...] – – .
 52a,2 – – – . – – – – – .
 52a,3 – – dô di menige drungen zuo Jêsus . daz si hôrten daz
 52a,4 gotes wort . dô stuont er bî dem sêwe ze Nazarêt . und sprach

- 52a,5 “zwei scheffelîn stênt bî dem mer .” di vischær wâren dâr ab
 52a,6 gegangen . und wuoschen di netze . dô gie er in ein schef . daz
 52a,7 Simonis was und hiez in ez ein wênic vürebaz vüeren .
 52a,8 von dem gestade und saz und lêrte di menige an dem scheffe
 52a,9 dô er sich des geloubete . dô sprach er “Simon . vüer ez an .
 52a,10 di tiefe . und werfet iuwer netze und vâhet .” dô antwurte Simon
 52a,11 und sprach zuo im . “gebietær wir haben alle di naht .
 52a,12 gearbeitet und viengen niht . von dînem worte wirfe ich mîn .
 52a,13 netze .” dô er daz getet dô viengen si ein grôz menige der vische
 52a,14 daz ire netze zerbrast und winkten den gesellen in dem andern
 52a,15 scheffe daz si koemen und in hülffen und kômen und vulten .
 52a,16 beidiu schef daz si sunken . dô daz Simon Petrus ersach dô
 52a,17 viel er im ze vüezen und sprach . “hêrre ginc hin ûz von mir
 52a,18 wan ich bin ein süntær .” in hête diu vorht umbe gegangen und
 52a,19 alle di di mit im wâren . dô di vische wurden gefangen . alsô
 52a,20 geschach Jacobo und Johannî . den kinden Zebedeî di geselle
 52a,21 wâren Simonis . dô sprach Jêsus zuo Simon . “vürhte dir niht . dû
 52a,22 hiute lanc wirst dû vâhente di liute .” und vuorten di schef zuo der
 52a,23 erde und liezen ez allez und volgeten im . des sehsten sunnentages . schrîbet
 sancte . Matheus .
 52a,24 - - - . - - -
 52a,25 - . âmên - - - - - Jêsus sprach
 52a,26 zuo sînen jungern . “wêrlîche sage ich iu . ez en sî iuwer güete grôzer
 52a,27 danne di schrîbær und der juden bischolve . ir en komet niht in
 52a,28 daz gotesrîche . habet ir vernomen daz den alten geboten ist .
 52a,29 ir slahet niemant der aber dâ slehet der wirdet schuldic des
 52a,30 gerihtes . ich sage aber iu . swer erzürnet sînen bruoder . der
 52a,31 wirdet schuldic des gerihtes . swer aber spricht tôr der wirdet
 52a,32 schuldic des helleviuwers . und bringest dû dîn gâbe dem altær
 52a,33 und gedenkest daz dû wider dîn bruoder iht habest getân . sô
 52a,34 lâ dîn gâbe vore dem altær . und ginc êr . und gehuldige dich mit
 52a,35 dînem bruoder und kum danne . und bringe dîn opfer .” daz evangelium
 der mittewochen . schrîbet . Markus .
 52a,36 - - - . - - - .
 52a,37 - - - - - . dô Jêsus gie an dem wege .
 52a,38 dô lief einer vüre und kniewete vüre in und bat in “guot meister
 52a,39 waz sol ich tuon daz ich entwâhe daz êwic leben .” Jêsus sprach
 52a,40 zuo im “wâr umbe heizest dû mich guot . ez ist niemant
 52a,41 guot wan got aleine . dû weist diu gebot huore niht . erslahe
 52a,42 niemant . stil niht . dechein gelogen urkunde sprich niht
 52b,1 begienc dechein untriuwe niht . êre dînen vater und dîn
 52b,2 muoter .” der antwurte und sprach “meister diu hân ich behalten
 52b,3 von mîner jugent .” Jêsus sach in an und minnete in .
 52b,4 und sprach zuo im “dir gebristet eines . ginc und verkoufe allez
 52b,5 daz dû hâst . und gip . ez den armen sô gewinnest dû den schatz
 52b,6 ze himel und kum und volge mir .” des vritages . schrîbet . Markus
 52b,7 - - - - - die phariseî giengen

52b,8 zuo Jêsu und versuochten in und wolten ein zeichen von .
 52b,9 im sehen . und siufte Jêsus und sprach “waz zeichenes wile .
 52b,10 ditz geslehte . ich sage iu ob man gît disem geslehte ein
 52b,11 zeichen .” und liez si und gie aber an daz schef und vuor
 52b,12 über mer und vergâzen des brôtes und hêten niht wan
 52b,13 ein brôt mit in an dem scheffe und gebôt in und sprach
 52b,14 “hüetet iuch vore der hepfen der phariseôrum . und Herôdis” und
 52b,15 gedâhten zuo einander . und sprâchen “wir haben niht brôtes .”
 52b,16 dô daz Jêsus ersach dô sprach er zuo in “waz gedenket ir .
 52b,17 daz ir niht brôtes habet . geloubet ir niht iuwer herze sint
 52b,18 noch blint . und habet ougen und sehet niht und ôren
 52b,19 und hoeret niht noch gedenket . wenne ich vûnf brôt brach
 52b,20 ünder vûnf tûsent und wie manigen korp truoget ir danne
 52b,21 voller broseme .” si sprâchen “zwelif .” “und dô ich di siben brôt
 52b,22 teilte ünder vier tûsent . wie manigen korp truoget ir danne .”
 52b,23 si sprâchen “siben .” dô sprach er zuo in “wâr umbe verstêt ir
 52b,24 iuch . danne niht .” und kômen ze Bethsaida und vuorten einen
 52b,25 blinden und bâten in daz er in beruorte . und begreif des .
 52b,26 blinden hant . und vuorte in ûz dem dorfe . und spîwete im in di
 52b,27 ougen . und legete sîn hende dâr über und vrâgete in ob er iht
 52b,28 gesehe und sach ûf und sprach . “ich sihe liut gên als di boume .”
 52b,29 dâr nâch legete er aber sîn ougen . und begunde sehen . und .
 52b,30 wart alsô gesunt und sande in in sîn hûs und sprach “ginc heim .”
 52b,31 des sibenden sunnentages . – Markus schrîbet – – – .
 52b,32 – – – . – – – – – .
 52b,33 – – dô ein grôz schar was mit Jêsu . und niht hêten daz
 52b,34 si geezzen . dô luot er sîn junger zesamene und sprach . “ich erbarme
 52b,35 mich über di schar wan ich si drîe tage hân ûf
 52b,36 gehabet . und hân niht daz si geezzen . und lâze ich si vastente
 52b,37 heim sô erligent si ûf dem wege . ez sint sümelich verre .
 52b,38 her komen .” dô antwurten im di junger “wer möhte sô vile
 52b,39 brôtes gewinnen in der wüeste . dâ mit man dise alle gesatet .”
 52b,40 und vrâget er si “wie manic brôt habet ir .” si sprâchen
 52b,41 “siben brôt .” und er gebôt der menige ze sitzenne ûf di erde .
 52b,42 und nam di siben brôt und segnete si und brach si und –[...]

 54a,1 den verhanget ir ez niht wê iu leitær der blinden . ir
 54a,2 sprechet swer bî dem goteshûse swere . daz ist ein niht
 54a,3 swer aber sweret bî dem gelte des goteshûses daz ist ir
 54a,4 tumben und ir blinden weders ist mêrer daz golt oder daz
 54a,5 goteshûs daz dâ got geheiliget hât und swer sweret bî
 54a,6 dem altær daz sî en niht swer aber sweret bî dem opfer daz
 54a,7 dâr ûf ist . daz sî . ir . blinden weders ist mêrer daz opfer oder
 54a,8 der altær daz dâ geheiliget di gâbe . swer sweret bî dem altær
 54a,9 der sweret bî allem dem daz dâr ûf ist und swer bî dem
 54a,10 goteshûse sweret . der sweret bî allem dem daz dâr inne ist
 54a,11 und swer bî dem himel sweret der sweret bî dem gotes .
 54a,12 stuole und bî dem der dâr ûf sitzt . wê iu schrîbær und phariseî

- 54a,13 di ziehent hanef und kichern . und wicken . und lazzen .
 54a,14 daz grôzer ist . di gebot der ê und daz ist reht . und die
 54a,15 barmeherze und den gelouben daz müezet ir tuon . und ditz .
 54a,16 niht verlazzen . des niunden sunnentages . schrîbet . sancte . Lucas
 evangelium
 54a,17 ----- . -- .
 54a,18 ---- . -- . Jêsus sprach zuo
 54a,19 sînen jungern ditz bîspel . iz was ein rîcher man der hête einen
 54a,20 meier und wart der vermæret bî im . daz er verwuost hête .
 54a,21 sîn guot und sande nâch im und sprach zuo im “waz ist . daz ich
 54a,22 hoer von dir . antwurte mir von mînem guote dû maht niht
 54a,23 mêr mîn meier gesîn .” dô sprach der meier wider sich selben .
 54a,24 “waz tuon ich wan mîn hêrre nimet mir den meierhov . ich mac
 54a,25 niht riuten . des almuosen schame ich mich . ich weiz wole waz ich
 54a,26 tuon . sô ich von dem meierhove genomen werde . daz si mich entwâhen
 54a,27 in iriu hiuser .” und luot iegelîchen geltær sînes hêrren .
 54a,28 und sprach zuo dem êrsten “wie vile solt dû mînem hêrren” er
 54a,29 sprach “hundert soume öles .” dô sprach er zuo im “nû nime dîn
 54a,30 bereitschaft und schrîbe drâte vûnvzic .” dô sprach er zuo dem .
 54a,31 andern “wie vile soles dû aber” er sprach “hundert mütte weizes .”
 54a,32 “nim den brief und schrîbe ahtzic .” und lobete der hêrre den meier
 54a,33 daz er vlîzic hête getân . wan diu kint dirre werlt wirser sint
 54a,34 an ire geburt danne diu kint des lichtes . und sage ich iu . “machet
 54a,35 iu vriunde von dem schatze . der übel tæte . swenne sô iu gebreste daz
 54a,36 si iuch entwâhen in di êwigen hiuser .” daz evangelium der mittewochen .
 Lucas
 54a,37 ----- . Jêsus sprach
 54a,38 zuo sînen jungern . “sô ir sehet Jerusalêm besitzen . sô wizzet daz .
 54a,39 ir stoerunge nâhent und di dâ in der juden lande sint . di vliehent
 54a,40 an di berge . und di dâ sint enmitten in ir di entwîchent unde
 54a,41 di in dem lande sint di koment niht dâr in wan ez sint .
 54a,42 di tage der râche daz allez daz ervüllet werde . daz dâ geschriben
 54a,43 ist ô wê den di dâ tragent und sougent . in den tagen . ez
 54a,44 wirdet ein grôze nôt ûf der erde und zorn den liuten und

 54b,1 werdent gefangen . und gevüeret in allez lant und werdent
 54b,2 erslagen und Jerusalêm wirdet betwungen . von den
 54b,3 heidenen . und daz di wîssagen ervüllet werden . und
 54b,4 werdent zeichen an dem mânen und an der sunne und .
 54b,5 an den sternem . und ûf der erde di stoerunge . der liute von der
 54b,6 diezunc des meres und des wazzers . und dorrent die
 54b,7 liute vore vorhten . di koment über alle di werlt .” daz evangelium des
 vrîtages . schrîbet . Lucas .
 54b,8 -----
 54b,9 -- . ---- . ---- .
 54b,10 -- . Jêsus sprach zuo sînen jungern . “hüetet iuch .
 54b,11 daz iuwer herze besweret werden von der vreisheit und .
 54b,12 von der trunkenheit und von den sorgen dirre werlt unde

- 54b,13 der tac gæhes kome über iuch wachet alle zît und betet
 54b,14 daz ir wirdic werdet ze pfâhenne disiu alliu diu künftic sint
 54b,15 und stên vore dem gotessune .” der zehent . sunnentac . Lucas .
 54b,16 – – – . – – – – . dô
 54b,17 Jêsus nâhete ze Jerusalem und dô er di stat sach dô weinete er
 54b,18 und sprach “hietest dû erkant . waz dir ze vride und ze .
 54b,19 genâden komen solte . nû sint si vore dînen ougen . ez werdent
 54b,20 di tage daz dich dîn vîande umbegebent mit einem graben .
 54b,21 und besitzent und beangestent dich allenthalben und zerstoerent
 54b,22 dich und dîniu kint diu in dir sint . und lazzent in dir niht
 54b,23 ûf ein stein ûf dem andern . dâr umbe daz dû niht erkant
 54b,24 hâst di zît dînes heiles .” und gie in den tĒmpel . und treip
 54b,25 di dâr ûz . di dâ koufeten und verkoufeten . und sprach zuo
 54b,26 in . “ez ist geschriben daz mîn hûs ist ein betehûs . ir habet
 54b,27 ez aber gemachet ze einem hole der diebe .” und was lêrente
 54b,28 tagelîche in dem goteshûse . der mittewochen . schrîbet . Matheus .
 54b,29 – – – – – . – – –
 54b,30 – – – . dô ez âbent wart dô giengen
 54b,31 di junger ze Jêsu . und sprâchen “ez ist ein wüeste stat und
 54b,32 ist diu zît vüre . lâ di menige daz si gên in di kastele und
 54b,33 koufen ze ezzenne .” Jêsus der antwurte in . “si en dürfen niht
 54b,34 gên . gebet in ze ezzenne .” des antwurten si im “wir en haben
 54b,35 hier niht danne vûnf brôt und zwêne vische .” dô sprach er
 54b,36 zuo in “nû bringet si her zuo mir .” und dô er di menige
 54b,37 sach sitzen ûf daz hōuwe dô nam er diu vûnf brôt und die
 54b,38 zwêne vische und sach ûf ze himel und segenete si und brach
 54b,39 si . und gap si sînen jungern . di junger truogen si der menige
 54b,40 und âzen alle und wurden gesatet und truogen von
 54b,41 dannen der übermâze zwelif körbe voller broseme . di dâ
 54b,42 âzen der wâren vûnf tûsent man âne wîp und âne kint .
 54b,43 des einliften sunnentages . schrîbet . Lucas . – – – .
 54b,44 – – – – – . – – . –[...]

 56a,1 ich sage iu daz ez antlæzlicher ist dem lande Sidone an
 56a,2 dem jungstem tage danne iu . des vierzehenden . sunnentages schrîbet
 Matheus
 56a,3 – – – – –
 56a,4 – – dô Jêsus gie ze Jerusalem . dô vuor er enmitten durch .
 56a,5 Samariam und Galileam und dô er gie gein einem kastele
 56a,6 dô kômen im zehen ûzsetzic man di stuonten verre unde ruofen
 56a,7 und sprâchen . “Jêsus erbarme dich über uns .” dô er si sach
 56a,8 dô sprach er “gêt zeiget iuch den êwarten .” und dô si giengen
 56a,9 dô wurden si gereinigt . dô ir einer gereinigt was . dô gie
 56a,10 er mit lûter stimme und viel vüre sîn vüeze und sagete im
 56a,11 genâde . und der selbe was ein Samaritanus . Jêsus antwurte im
 56a,12 und sprach “nû sint doch zehen gereinigt und wâ sint die .
 56a,13 niun . ez ist ir decheiner mêr komen der gote lop sage wan
 56a,14 der eine .” und Jêsus gebôt im . “stant ûf und ginc hin dîn geloube

56a,15 hât dich gesunt gemachet” daz evangelium des vrîtages . schrîbet . Lucas .
 56a,16 - - - - -
 56a,17 - - - - . Jêsus sprach zuo sînen jungern
 56a,18 ein edel mennische vuor in verrez lant gewinnen im ein rîche .
 56a,19 und wolte wider komen und luot zuo im zehen sîner knehte .
 56a,20 und den gap er zehen marke und sprach zuo in “koufet unze daz
 56a,21 ich kome .” sîn burgær hazzeten in und sanden boteschaft .
 56a,22 nâch im . und sprâchen . “wir wellen niht daz er über uns
 56a,23 rîchse .” und dô er wider kom und daz rîche entvngen hête .
 56a,24 dô hiez er sîn knehte vüre sich komen . den er sînen schatz
 56a,25 hête gegeben daz er weste wie vile iegelîcher entvngen hête . und
 56a,26 waz er dâ mit gewunnen hête . dô kom der êrste und sprach
 56a,27 hêrre dîn marc hât zehen marke gewunnen . er antwurte
 56a,28 im und sprach . “eiâ guoter kneht und getriuwer wan dû über
 56a,29 daz wênic getriuwe wær . sô wirst du gewaltic über zehen
 56a,30 stete” und kom der ander und sprach “hêrre dîn marc hât vûnf
 56a,31 marke gewunnen .” er sprach ouch zuo dem . “wis ouch dû gewaltic
 56a,32 über vûnf stete .” und der dritte sprach “hêrre dîn marc hân ich
 56a,33 behalten in einem tüechelîne . und vorhte dich wan dû ein vorhtsamer
 56a,34 man bist . dû nimest daz dîn niht ist und snîdest daz
 56a,35 dû niht . en sæjest .” dô sprach er zuo im . “von dîn selbes munde urteile
 56a,36 ich dich übler schalc dû weist wole daz ich ein vorhtsamer
 56a,37 man bin . und nime daz mîn niht ist und snîde daz ich niht gesaejet
 56a,38 hân und wâr umbe gæbe dû niht mîn guot ze dem tische
 56a,39 und sô ich wider koeme . daz ich wider gevordert hiet den mînen
 56a,40 wuocher” und sprach zuo den di dâ stuonten . “nemet von im
 56a,41 di marc . und gebet si dem der di zehen marke habe .” und di
 56a,42 sprâchen zuo im “hêrre er hât zehen marke . ich sage iu swer
 56a,43 hât daz man dem gît und von dem der dâ niht en hât .
 56a,44 und daz selbe daz er dâ hât daz nimet man im und gît
 56a,45 ez dem der dâ hât . mîn vîande di mich dâ niht wolten rîchesenen –[...]”